

LABURPEN-DOKUMENTUA

**Alokairu-erregimeneko etxebizitza babestuen arloan
Covid-19 birusaren inpaktu ekonomikoari erantzuna
emateko hartu beharreko neurriak.**
(Agindua 2020/03/31)

Testuingurua

Covid-19 birusaren hedapen azkarra aurrekaririk gabeko osasun-alerta eragiten ari da. Krisi honen ondorioak osasun-arlokoak ez diren beste eremu batzuetara ere heltzen ari da.

Testuinguru horretan, Eusko Jaurlaritzak 300 milioi euroko funts instituzional bat sortu du, osasun-sistema eta hezkuntza-sistema indartzeko, bai eta familiei, enpresei eta enpleguari laguntzeko ere. **Eusko Jaurlaritzak funts horretako 2,5 milioi euro etxebizitza babestuen arloko neurrietara bideratuko ditu.**

Neurriak

1

**Hiri Errentamenduen
Legetik eratorritako
kaleratze judizialak aldi
baterako etetea.**
(Sailak ofizioz hasten ditu)

2

Alokairu babestuko EAEko
parke publikoetan egoera
ekonomiko kalteberan
dauden errentariak **alokairua
eta komunitate-gastuak
ordaintzetik aldi baterako
salbuestea**

3

**Gaztelagun Programako
laguntzak osatzea** egoera
berean dauden pertsonentzat

Alokairua eta komunitate-gastuak ordaintzetik aldi baterako salbuestea



NORTZUK izan daitezke onuradun?

EAEko etxebizitza-parke publikoetako etxebizitza baten **2020ko martxoaren 14a baino lehen indarrean zegoen eta formalizatutako errentamendu-kontratu baten titular** diren pertsona guztiak, norberaren izenean edo errentakide gisa, baldin eta «**kalteberatasun ekonomikoko**».

! Honako hauek dira **kalteberatasun ekonomikoa ezaugarritzat duen egoerak**:

- Besteren konturako langileak** ⇒ Kalteberatasun ekonomikoa ezaugarritzat duen egoeran egongo dira osasun-larrialdiak eragindako krisiaren ondorioz errentarien edo emakidadunen bat langabezian geratu bada.
- Langile autonomoen edo enpresaburuen kasuan** ⇒ Diru-sarreraren galera edo salmenten % 40ko beherakada edo handiagoa jasaten dutena.
- Bi kasuetan, gainera, eskatzen da **ordaindu beharreko errentaren zenbatekoa gehi komunitate-gastuak handiagoak izatea pertsonaren edo bizikidetzaren unitate errentariaren urteko diru-sarrera haztatuen % 30 baino.**



ZEIN MOTATAKO ETXEBIZITZETAN aplikatzen da?

Salbuetsita dauden alokairu babestuko parke publikoko etxebizitzak eta zuzkidura-bizitokiak Euskal Autonomia Erkidegoko Administrazio Orokorraren titulartasunekoak, Alokabide SA sozietate publikoarenak eta Bizigune programaren esparruan alokatutakoak dira.

Alokairua eta komunitate-gastuak ordaintzetik aldi baterako salbuestea (Jarraipena)



Zein da ordainketatik salbuesteko DENBORA-TARTEA?

2020ko apirileko, maiatzeko eta ekaineko hilabete osoak.



NOIZ ETA NOLA egin behar da eskaera?

Aurkezteko epea: **2020ko maiatzaren 31ra arte** edo alarma-egoera amaitu eta hilabetera arte..

Eskabideak bide hauen bidez aurkeztu ahal izango dira:

- www.euskadi.eus/servicios/11022401
- Zuzenean Herritarrentzako Arreta Zerbitzuaren bulegoetan
- Alokabide sozietate publikoak webgunean dituen kanaletan (www.alokabide.euskadi.eus)



Eskabidea egiteko FORMULARIOA

www.euskadi.eus/servicios/11022401

Alokairua eta komunitate-gastuak ordaintzetik aldi baterako salbuestea (Jarraipena)



ASAP PROGRAMAKO ERRENTARIEK jaso al dezakete laguntza?

Bai. Programa honetan sartutako etxebizitzaren errentariak, agindu honetan kalteberatasun ekonomikoaren egoeran badaude, **salbuespen-eskaera aurkeztu ahal izango diote kontratua sinatu zuten agente laguntzaile homologatuari.**

Gaztelagun Programako laguntzak osatzea



NORENTZAT? ⇒ Aginduan adierazitako egoeretan dauden Gaztelagun programaren onuradunak (Ikusi 3. orrialdeko koadroa).

JASOTZEKO LAGUNTZA ⇒ Aldi baterako eta salbuespenezko laguntza osagarria apirileko, maiatzeko eta ekaineko hilekoak hartuko ditu aitortuta zeukaten dirulaguntza osatu ahal izateko, ezarritako etxebizitzaren hileko errentaren mugetara iritsi arte.

AURKEZTEKO MODUA ⇒ Onuradun bakoitzak Egoitza elektronikoa/Nire karpeta atalean irekita daukan laguntzaren espedientean.